

太上靈寶玉匱明真大齋言功儀

廣成先生杜光庭修

眾官依位導引 昇壇 念入戶咒上五方香 北方為始

次上洞案香 念上香咒

各禮師存念如法

宣衛靈咒

鳴法鼓二十四通

無上三天玄元始三氣太上老君 召出臣等身中三五功曹 左右官使

者 左右龍虎君 侍香金童 傳言玉女 五帝直符直日香官 各三

十六人出 當召某處土地里域 真官正神 速出關啟 臣今正爾燒

香 奉為某奉修靈寶九幽玉匱明真遷神大齋 功圓事畢 昇壇拜表

焚燒真文 復職還官 言功設醮 重明功德 願得 太上十方正

真生炁 降流臣等身中 所啟速達上御

至真無極玉皇上帝 御前

人各三禮

各稱法位

太上靈寶玉匱明真大齋言功儀

清微藏書閣

上清玄都大洞三景弟子 無上三洞法師 奉行明真大齋法事

某嶽某帝先生小兆真人臣某等今故燒香 以是功德 上為帝王太子

皇后皇妃 致福延禧 保安國祚 某廟皇帝尊靈 遊宴玉京 超

凌宸極

今故燒香 歸身歸神歸命

太上靈寶自然至真無上大道

特乞玄造流恩 洪釐廣被 仙靈受度 證品成真 侍衛道君

逍遙無上金闕七寶自然宮 永與道合 啟啟玄感 上御

十方無極至真 道前

禮十方 從東方起

禮足 各長跪歸命懺悔

次三業懺

三啟

三禮

次收真文內音 東南西北中

次弟子執真文於香煙上 師面壇中 叩齒十二通 咒曰

元始大帝 高上玉皇 普告十方 無上無下  
無極神鄉 三十二天 隱韻靈章 五文結氣  
八會流光 今日大宥 萬善敷張 定名仙圖  
列籍紫房 修齋行道 介福遷神 幽關朗晏  
冥夜開光 超登三界 景侍虛皇 帝圖延永  
壽祚無疆 萬真鑒祐 四海太平 妖星蕩滌  
中外康寧 請如所告 金馬驛程  
安真文於御案上 待隨表焚之

重稱法位

上清玄都大洞三景弟子 無上三洞法師 奉行

靈寶明真大齋法事 某嶽某帝先生少兆真人臣某等 謹重上啟

太上無極大道元始天尊

太上大道君

太上老君

自然至真靈寶天尊

尋聲救苦大慈天尊

## 太上靈寶玉匱明真大齋言功儀

清微藏書閣

五老上帝

三十六部尊經 玄中大法師

三界內外 應感尊靈

臣等叨荷玄勿 幸逢道化 三乘御運 五炁開光 正法流行

普度幽顯 人天荷賴 生死霑榮 而大教垂科 開度為本 上唯邦

國 資祐帝王 使玄德遍覃 神功遐布天地之內 存歿同懽 凡在

群生常加濟護 況奉明旨 敢不上聞

次讀詞

按如詞誠 義深拯拔 恭依玄式 敷啟壇場 燒香然燈 轉經

行道 輒坡靈韞 開露真文 以八會寶書 關明三界 依時存注

關告尊靈 翹想十華 馳心八極 冀蒙玄鑒 普降洪休 法事功圓

願念周普 群真復駕 返羽衛於太空 萬聖迴軒 散祥輝於三境

下照長夜 廣度陰關 大扇慈風 咸除苦惱 臣等按依科品 瀝

懇冥心 以今月某日為始 修崇齋醮 行道轉經 至某日圓滿 今

修齋事竟 所請天仙地仙 真人神人 五嶽四瀆 九宮五帝 三河

四海 日月星宿 兵馬騎乘 諸天監齋直事 侍香金童 散花玉女

傳言奏事飛龍騎吏等 及靈賓官屬 監齋衛真 四方監察 真官  
監臨衛護 宣通召命 營衛齋事 有功勤者 今當別拜 黃繒朱表  
言功舉遷 臣等恐進止犯科 不明玄奧 乞垂赦宥 仰戴玄恩  
啟齋之始 所請智慧上品十戒 齋事既畢 謁還天宮 後有法事  
當復啟請 謹上啟聞 伏須告報 臣修齋事竟 重明功德 復諸天  
位 拜黃繒朱表一通 在臣前奏案之上 請省表文

### 次讀表

具錄職 奉行 靈寶明真大齋法事 某嶽某帝先生小兆真人臣  
某稽首再禮 上啟

太上無極大道 至真自然金闕下

臣等稟質下凡 自惟穢賤 叨奉大法 宣教度人 下濟生靈  
上及邦國 佐時效節 質對幽明 而於法無功 動違科典 夙夜震  
懼 不敢違寧 臣等頓首頓首 臣等受法之日 盟告三官 約當佐  
國立功 奉揚玄化 使天地之內 道訓宣行 濟拔存亡 開度一切  
臣今欽奉皇帝聖旨 上叩大道 奉為某廟皇帝尊靈 證聖成真  
昇入天府 詞誠丹切 披露聖神 明明寸心 感貫天地 臣叨佩

## 太上靈寶玉匱明真大齋言功儀

### 清微藏書閣

經法 職主玄司 欽奉綸音 不勝震惕 謹率同法道士若干人 以  
內藏所出質信之禮 依按玄科 於某處置立靈壇 法天象地 四界  
八極 玄應三清 出八會真文 內書寶字 為天地神明之信 奉修  
太上靈寶九幽玉匱明真大齋 若干日夜 稽顙歸命 披心貢誠於太  
陽之前 三光之下 盟齋瀝懇 然燈續明 下照九幽無極世界 九  
地重陰之中 開諸光明 照燭冥夜 奉為某懺謝九玄億世 宗廟先  
靈 前身所有 滯染塵緣 積諸障累 恐未能於昭徹 或尚致於冥  
行 仰仗天恩 咸希開釋 離諸染著 頓悟真常 即使九土潛寧  
陵廟安穩 魂神受鍊 臟腑生華 灌沐陽精 消蕩陰滓 五神扶衛  
騰景天堂 世享福緣 漸登道品 垂祥後嗣 延貺邦家 帝祚隆  
昌 皇圖克固 聖朝納祐 壽等嵩衡 太子諸王 咸臻景祐 后妃  
公主 永保福祥 內外臣寮 允新祿祚 六合清靜 兩耀光華 吉  
應日聞 妖惡殄滅 如蒙所願 永銜道恩 謹當焚燒真文 散灰揚  
煙 上御諸天 玄期有限 不敢稽滯 臣所修齋 上請天仙兵馬  
神仙兵馬 飛仙兵馬 真人兵馬 神人兵馬 日月星宿兵馬 九宮  
五帝兵馬 三河四海兵馬 五嶽四瀆兵馬 各九億萬騎 三十二天

監齋直事 侍香金帝 散花玉女 五帝直符 傳言奏事 飛龍騎吏  
等 及靈寶官屬 三寶威神 此間土地里域真官 諸是監臨衛護  
宣通召命 營侍齋事 有功勤者 一切嚴裝 隨臣今表 上詣玄都  
列受功賞 進品上真 加爵帝秩 隨品署真 高下等級 皆令顯  
達 一如太真之儀 無令遺漏 臣謹伏地 拜黃素朱表一通 上聞  
九天 恩惟  
太上無極大道太上大道君  
太上老君  
無上玄老十方自然靈寶天尊  
已得道大聖眾  
至真諸君丈人

垂哀省覽 敕勒天官 典者曲垂 省理分別 惟蒙至聖 鑒映  
丹情 臣等學法 未備俯仰之格 恐進止犯科 不合儀式 為四司  
所糾 五帝所執 千愆萬罪 乞蒙赦宥 哀原未悟 不見罪罰 恩  
惟太上 分別求哀 臣愚謹因真宮直使 正一功曹 左右官使者  
陰陽神決吏 科車赤符吏 剛風騎置驛馬上章吏 飛龍神龍天仙飛

### 太上靈寶玉匱明真大齋言功儀

清微藏書閣

直騎吏 各二十四人出操 臣謹為某奉修靈寶九幽明真遷神拔度大  
齋事竟 起壇遷職 復諸天位 重明功德 拜奏黃素朱表一通 上  
詣太上三夫曹 伏須告報 臣某誠惶誠恐 稽首再拜 以聞  
臣姓某屬某州縣宮觀住持  
太上無形無名虛無自然至真大道無上元尊金闕七寶 玉陛下  
太歲某年某月日

次叩齒三通 啟曰

臣謹重啟

太上無極大道太上三尊十方大聖

臣今拜奏表文 願敕功曹典者 主領進御 必使上合天府 應

時行下 閉氣昇章 徑御

太上無極大道 御前

當令所請時下 所召時到 所申者通 所遷者達 若有下官  
故氣邀截 表文不使上御者 錄付所在近司 依律理罪 以明天憲  
臣等伏待報應

次露表案上 存神如常 訖起 再拜 收表 卦函

次告金籙度命簡

元始符命 金籙白簡 救苦真符 告下十方無極世界 三官九  
府 百一十曹 五帝考官 九幽地獄 巨天力士 執罰神兵 司錄  
司命 司功司殺 牛頭獄卒 三界大魔 拔度齋壇 係薦應度亡魂  
出離地獄 永辭長夜 睹見光明 萬罪蕩除 冤仇和釋 乘此九  
真妙戒 拔度功德 上生諸天 一如告命  
太歲某年某月日於某壇中告下

讀文訖 法師叩齒九通 咒曰

元始上聖 玉帝高靈 玉文告命 濟死度生

金籙妙戒 拯護幽冥 白簡寶符 九真玄經

解銷罪咎 冤債和平 救苦真人 削除罪刑

察命童子 注上生名 護戒威神 引詣福庭

超離五苦 乘駕雲輶 輪轉得通 飛昇上清

咒畢 以簡隨真文表函焚之 聲讚二人 持節洞案 捧案 監

齋主同詣天門 焚表函真文白簡訖 還復本位 次告山簡

今欽奉皇帝聖旨 於某處奉修 靈寶九幽玉匱遷神明真大齋

太上靈寶玉匱明真大齋言功儀

清微藏書閣

若干日夜 行道事訖 投簡靈山 願神願仙 飛行上清五嶽真人

至神至靈 乞削罪錄 上名九天 請詣靈山 金龍驛傳

太歲某年某月日具位臣 某於某處告文

讀訖 青紙封龍配之

次第子執於香煙上師 叩齒十二通 咒曰

玄上開明 元始監真 上帝五老 赤書丹文

天地本始 總領三元 攝氣召會 催促舉仙

高上符命 普告十方 日月星宿 五嶽靈山

天上地下 冥靈大神 監生主錄 南上三門

關領玉簡 勒名丹篇 削落罪目 上補帝臣

修齋行道 上告九天 總校圖錄 削減罪根

魂神開度 超出幽關 行道事竟 投簡靈山

三塗罷對 長夜蒙原 冤仇釋散 地府寧閑

福延大業 祚永乾坤 今日上告 萬真咸聞

請以龍簡 關盟真官 乞如所告 金龍驛傳

咒畢 眾官再禮

次讀水簡文

今欽奉皇帝聖旨

於某處奉修

靈寶九幽玉匱遷神明真大齋

若干日夜 行道事訖

投簡水府

願神願仙

三元同存

九府水帝

十二河源 江河淮濟

溟泠大神

乞削罪錄

上名九天

請詣水

府 龍驛傳

太歲某年某月日具位臣某於某處告文

元始五老 上帝高尊

十方至真

太華靈仙

赤文告命 無幽不關

上御九天

請下玉文

日月五星 北斗七元

中告五嶽

四方靈山

下告河海 十二泉源

九府水帝

溟泠大神

今日上告 萬願開陳

修齋行道

上告九天

總校圖錄 削減罪根

幽夜開朗

超度魂神

三塗息苦 長夜蒙原

冤仇解散

上昇諸天

行道事訖 投簡靈淵

福祚隆永

帝業長延

請以龍簡 告盟水官

乞如所陳

金龍驛傳

咒畢 眾官再禮

太上靈寶玉匱明真大齋言功儀

清微藏書閣

次讀土簡文

今欽奉皇帝聖旨

於某處奉修

靈寶九幽玉匱遷神明真大齋

若干日夜 行道事訖

投簡靈壇

願神願仙

長生度世

飛行上清

中黃九土 戊己黃神

土府五帝

乞削罪刑

請詣中宮

投簡記

名 乞如所告 金龍驛傳

太歲某年某月日具位臣某於某處告文

天地開張 元氣分靈

三元同存

十方朗清

五老上聞 主死領生

丹書赤文

元始上經

普告無下 九地皇靈

今日上告

萬仙定生

修齋行道 上告九天

總校圖錄

削減罪根

九地開朗 遷度魂神

太陰息苦

六趣寧閑

和冤釋對 上生諸天

行道事竟

投簡靈壇

福流億世 帝祚長延

請以龍簡

告盟地官

乞如所告 金龍驛傳

咒畢 眾官再拜

投簡於壇上 天井中或埋於月辰之上

次吟投龍讚

祈真登紫府全章

次稱名位 降神設醮

具法職 奉行 靈寶明真大齋法事 某嶽某帝先生小兆真人臣

某等稽首再禮 臣謹奉皇帝 修建遷神大齋

謹奉降

玉京玄都紫微上宮十方大聖眾

至真諸君丈人

飛仙真人 玉童玉女

應感分輝 降臨醮座

謹奉降

天地靈仙 諸天上聖 日君月君 日月帝君 真人神仙 玉童玉女

降臨醮座

謹奉降

北極勾陳天皇大帝君 北斗七星君 南斗六星君 三台六星君 二

十八宿君 周天三百六十五度星中大神 星中帝君 星中真人 降

### 太上靈寶玉匱明真大齋言功儀

### 清微藏書閣

臨醮座

謹上請

東方青帝九氣君 南方赤帝三氣君 西方白帝七氣君 北方黑帝五

氣君 中央黃帝一氣君 五帝真人 玉童玉女 降臨醮座

謹上請

三元君 上元天官 中元地官 下元水官 三宮九府 百二十曹

五嶽大神 十大洞天 三十六洞天 二十四化 三河四海 九江水

帝 十二河源 九宮真人 十二仙君 九天司命 五嶽丈人 九天

使者 儲副正職佐命大神 天仙地仙 飛仙神仙 玉童玉女 兵馬

騎乘 降臨醮座

謹上請

三洞四輔侍經真官 仙公仙伯 仙卿大夫 九天御史 玄中大法師

天師嗣師系師 上古三師 經師籍師度師 三洞威神 三寶官屬

降臨醮座

謹上請

靈寶官屬領仙監齋 直符真官 侍香將吏 玉童玉女 六甲神將

六旬玉女 六丁玉女 社稷將吏 一切靈司 降臨醮座  
謹請身中所佩

二十四治執節監功大將軍 四部監功謁者 上仙上靈直使 正一功  
曹 三部功曹 促氣功曹 三五功曹等 降臨醮座

謹請身中所佩

陰陽神決吏 科車赤符吏 剛風騎置驛馬上章吏 飛龍騎吏 天真

飛仙騎吏 上部使者 中部使者 都官使者 郎吏虎賁察姦句騎吏

都官僕射 天丁力士 天騶甲卒等 降臨醮座

謹請

收氣食氣吏 收神食神吏 收鬼食鬼吏 收邪食邪吏 收精食精吏

收毒食毒吏 誅符破廟吏等 降臨醮座

謹奉請

某皇帝本命神將 元辰神將 大小行年本命星官 驛馬將吏等 降

臨醮座

謹奉請

四司五帝 應感真靈 三界職司 衛壇將吏 虛空監察 直日直符

## 太上靈寶玉匱明真大齋言功儀

## 清微藏書閣

當界主司等 降臨醮座

奉請

當處土地 里域真官 降臨醮座

臣謹上啟

太上三尊昊天上帝

十方上聖三光九耀天帝天君

三界內外 一切真靈

伏願 普降洪慈 分輝照鑒 臣以夙承餘福 得誕今生 叨佩

靈文 稟修玄教 功輕塵露 過重丘山 誠宜束身以自修檢 而法

許開度 佐國立功 輔助帝王 宣弘道化 今欽奉皇帝聖旨 追薦

某尊靈 齋金龍紋繒 香花質信 恭依科典 虔立靈壇 奉修 靈

寶九幽明真玉匱遷神拔度大齋 若干日夜 以某日某時功圓事畢

焚燒真文 解壇復職 重明功德 設醮言功 願為某懺謝罪尤 解

銷冤對 不經幽夜 昇入天堂 瑩質朱陵 鍊神丹霍 上朝太極

飛步九清 友萬帝以優遊 接群真而宴處 延休帝業 貽貺孫謀

傳鳳曆於無疆 固鴻圖於億載 同文共軌 地久天長 疫毒潛寧

災凶殄息 兵戈不作 水旱無侵 夷夏懽康 龍神翊衛 中黃上府  
陵寢常安 十雨五風 生靈永泰 伏冀 三官拂簡 紀錄齋功  
五帝迴軒 鑒臨勝福 告下天地曹府 幽明職司 降祐垂祥 普均  
四海 臣等不任懇願虔祈之至 稽首再禮

次焚狀

奏獻錢馬

臣重啟靈壇感降 內外真靈 臣所修齋 功德成就 實賴三寶  
官屬 應感職司 降此洪休 副茲丹懇 啟奏傳送 勞歷真官 恐  
薦獻失儀 違犯科典 動靜俯仰 不合天儀 再具披陳 特乞原赦  
高真上聖 昇駕太空 三界尊靈 各還所部 侍衛官吏 當境職  
司 未就座者 歆納誠禮 陰陽將吏 內外正神 佐國度人 立功  
利物 驅除氛沴 掃蕩妖兇 使九土太平 帝王萬壽 三會之日  
別當舉遷 諸獄冥曹 三徒六趣 九幽滯爽 萬類孤魂 賴茲遷拔  
之緣 盡詣逍遙之境 某等稽首 再禮奉辭  
次送神頌  
還戒頌

### 太上靈寶玉匱明真大齋言功儀

清微藏書閣

都講云 眾官復職

高功都講列職 各納職

次十二願

次復爐

次引弟子

隨師

昇天門

出地戶

次解壇頌出戶咒

次辭三師

次回向禮畢

太上靈寶玉匱明真大齋言功儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校